

TEZĂUR LITURGIC

3 MAI

ACATISTUL SF. CUVIOASE IULIANA ȘI EUPRAXIA DE LA MOSCOVA



MOSCOVA, 2000



Ака́фист
преподо́бным
Иулиани́и и Евпракси́и,
основа́тельницам
Зача́тиевския оби́тели

Конда́к 1

Избра́нныя неvéсты Христо́вы, / преподо́бныя
Иулиани́е и Евпракси́е, / наста́вницы дев
боголюбивых / и моли́твенницы усердныя ко
Го́споду, / в ра́дости и ско́рби призыва́ем вы, /
да ва́шими моли́твами изба́вит нас Госпо́дь от
вся́кия ну́жды и печа́ли вопию́щих: //
Ра́дуйтесь, преподо́бныя Иулиани́е и Евпракси́е,
благоче́стия наста́вницы богому́дрыя.

И́кос 1

А́нгельское жити́е яви́ли естé, преподо́бныя
Иулиани́е и Евпракси́е, ве́рная ча́да Ма́тере
Бо́жия, прии́мшая Благове́стие измла́да на
до́брую по́чву чи́стых серде́ц ва́ших и

возрастившая великий плод смирения и кротости.
Мы же зряще сие, воспеваем вам сие:

Радуйтесь, верныя Христова ученицы;
радуйтесь, Царствия Божия наследницы.

Радуйтесь, кротости благоговейное хранение;
радуйтесь, смирения наставницы предивныя.

Радуйтесь, благодать Святаго Духа
стяжавшия;

радуйтесь, измлада Христа возлюбившия.

Радуйтесь, Матере Божия служительницы
верныя;

радуйтесь, чистоты Ангельския
подражательницы.

Радуйтесь, преподобныя Иулиание и
Евпраксии, благочестия наставницы
богомудрыя.

Кондак 2

Видяще образ благочестия родителей ваших
Феодора и Марии достославных и яже о Господе
подвиги брата вашего митрополита Алексия,
возжегосте ревностию и любовью сердца ваша
ко Сладчайшему Христу Иисусу, и возжелаете
послужити Ему в чине ангельстем, воспевающе с
Херувимы песнь: Аллилуия.

И́кос 2

Ра́зум ве́лий зело́ даде́ Госпо́дь тебе́, о ма́ти
на́ша, преподо́бная Иулиани́е, и́мже устро́и
пе́рвую оби́тель деви́чью во сла́внем гра́де
Москве́, иде́же собра́шася ду́ши мно́ги во
спасе́ние. Ны́не сла́вим тя, прему́драя
наста́внице и засту́пнице на́ша, вку́пе с ве́рною
сестро́ю твоёю, возлю́бленною Евпракси́ею,
зову́ще си́це:

Ра́дуйтесь, мирно́сицы Ру́сския земли́;
ра́дуйтесь, жен благо́честивых похва́ло.

Ра́дуйтесь, Иису́са Сладча́йшаго
возлю́бившия;

ра́дуйтесь, ча́да Его́ благо́я и ве́рная.

Ра́дуйтесь, оби́тель деви́чью основа́вшия;
ра́дуйтесь, благоуха́ние духо́вное
источа́ющия.

Ра́дуйтесь, со́таинницы дев боголю́бивых;
ра́дуйтесь, смиренному́дря о́браз
показа́вшия.

Ра́дуйтесь, преподо́бныя Иулиани́е и
Евпракси́е, благо́честия наста́вницы
богомудрыя.

Кондак 3

Силою послушания всецелаго обрела еси ты Царствие Небесное в души своей чистой, о преблаженная матери наша Евпраксиие. Прославляем твое смиренномудрие и кротость предивную, яко сестра бе и дщи премудрыя игумении Иулиании, воспеваючи с нею единым сердцем и усты хвалебную песнь: Аллилуия.

Икос 3

Имеюще любовь истинную, преподобныя, явили есте вы образ сострадания и милосердия: взалка бо кто, и дасте ему ясти, возжада, и напоите; странен бысть, и введoste его под кров обители своея, скорбен сердцем бысть, и утешите. Сего ради, взирающе на велию веру вашу, во умилении вопием вам:

Радуйтесь, два светила Любве Божественныя;
радуйтесь, дел милосердия исполнительницы.

Радуйтесь, утешение всем притекающим к вам;

радуйтесь, радости наша подательницы преславныя.

Радуйтесь, девы благочестивыя, напитавшия алчущих;

ра́дуйтеся, напо́яющія сло́весы́ духо́вными жа́ждущих.

Ра́дуйтеся, го́рлицы боголю́бивыя;
ра́дуйтеся, любóвию согрева́ющія вся.

Ра́дуйтеся, преподо́бныя Иулиани́е и Евпракси́е, благочести́я наста́вницы богому́дрыя.

Конда́к 4

Бу́рю смяте́ния наведе́ сила инопле́менная на зе́млю Ру́сскую, но не косну́ся душ ва́ших па́губное уны́ние. Я́ко купина́ дре́вле неопальна́ огнём Боже́ственным горя́щи бысть ве́ра ва́ша в Промы́шление Бо́жие о Святе́й Руси́, и огонь сомне́ния не сожже́ наде́жды в сердца́х ва́ших, благода́рно воспева́ющих за вся Бо́гу: Аллилу́ия.

И́кос 4

Слы́шавши глас святи́теля Бо́жия Алекси́я, благослова́ющий оби́тели перво́моско́вския девичья́ основа́ние, возра́довася душа́ тво́я, о премудра́я наста́внице, ма́ти на́ша Иулиани́е, о Бо́же Зижди́тели, без Него́же ничто́же бысть, е́же бысть. Та́кожде ми́лостью Его́ по моли́твам ва́шим, преподо́бныя, процвете́ я́ко крин се́льный, оби́тель свята́я Зача́тиевская во

спасѣние душ наших, тѣмже дерзаемъ взывати
вамъ сице:

Радуйтеся, Бога Отца возлюбившия;

радуйтеся, Сына Его невесты преславныя.

Радуйтеся, обитель Духа Святаго в сердце
устроившия;

радуйтеся, Святую Троицу подвигом своимъ
прославившия.

Радуйтеся, горлицы, любовью окривляемыя;

радуйтеся, масличныя ветви Церкви
Христовы.

Радуйтеся, прелесть мира сего презревшия;

радуйтеся, радости райския преисполненныя.

Радуйтеся, преподобныя Иулианіе и
Евпраксиѣ, благочестія наставницы
богомудрыя.

Кондак 5

Боготечною звездою обитель святая
Зачатиевская для душ, жаждущих спасения,
световидною явися, яко дарова Бог во обители
сей источники воды текущія в животъ вечный.
Всяк бо пий от воды сей не вжаждетъ во веки,
но воспоетъ благодарнымъ сердцемъ Богу:
Аллилуія.

И́кос 5

Ви́де еди́на от сесте́р в ви́дении со́ннем вы, преподо́бныя, спешно́ нося́щия во́ду ко хра́му. В тре́тий же день полудне́ случи́ся пожа́р на кро́ве о́наго. Егда́ же сестры́ прибе́гоша к ра́кам ва́шим со слеза́ми, да помо́жете, а́бие угасе́ огонь горя́щ моли́тв ра́ди ва́ших. О преподо́бныя Иулиание́ и Евпракси́е, угаси́те и пла́мень страсте́й на́ших и наве́тов лука́ваго, да чи́стым се́рдцем воспева́ем вам сицевая́:

Ра́дуйтеся, моли́твенницы усер́дныя ко Го́споду;

ра́дуйтеся, засту́пницы на́ша пред Бо́гом предивны́я.

Ра́дуйтеся, те́рние страсте́й попада́ющия;
ра́дуйтеся, возжига́ющия огонь́ любве́ ко Христу́.

Ра́дуйтеся, благоуха́ние кади́льное моли́твенное;

ра́дуйтеся, пода́тельница сла́дости райския́.

Ра́дуйтеся, благода́тию озаря́ющия;

ра́дуйтеся, Све́та невече́рняго свети́льницы.

Ра́дуйтеся, преподо́бныя Иулиание́ и Евпракси́е, благоче́стия наста́вницы богому́дрыя.

Конда́к 6

Пропове́дницы ве́ры и благоче́стия
преизря́дныя, преподо́бныя Иулиание́ и
Евпракси́е, наста́вницы мона́шествующих и
ми́рских покрови́тельницы пресла́вныя е́сте.
Бу́дите заступни́цы от духо́в зло́бы поднебе́сных
всем с ве́рою и любо́вию притека́ющим к
моли́твенному покрóву ва́шему и вопи́ющим
Бо́гу: Аллилу́ия.

И́кос 6

Возсия́ неизрече́нный свет в собо́рней це́ркви
Зача́тиевстей, егда́ ты, о ма́ти на́ша
преподо́бная Иулиание́, в видéнии еди́ней от
черни́ц яви́лася еси́, попра́вляючи лампа́ду у
ико́ны Богоро́дицы «Всех скорбя́щих Ра́досте».
Ны́не же, взира́ющим нам на о́браз сей,
ра́достью пасха́льною исполня́ются сердца́
на́ша, и печа́ль на ра́дость прелага́ется. Да
у́зрим и мы, недосто́йнии, во Свéте
непристу́пнем Го́спода Воскрéсшаго, зову́ще
си́це:

Ра́дуйтесь, всем скорбя́щим ско́рья
уте́шительницы;
ра́дуйтесь, ра́дости духо́вныя пода́тельница.

Ра́дуйтеся, ми́ра се́рдéчнаго укрéплéние;
ра́дуйтеся, два сосúда елéя Бóжия
целительнаго.

Ра́дуйтеся, возжигáющия светильники вéры;
ра́дуйтеся, наде́жды путь освещáющия.

Ра́дуйтеся, весéлие стяжавшия в скóрбех;
ра́дуйтеся, любвé и́стинныя проповéдницы
пла́менныя.

Ра́дуйтеся, преподóбныя Иулиание́ и
Евпракси́е, благочéстия наста́вницы
богомúдрыя.

Конда́к 7

Хотя́щи обрести́ ва́ша нетлénныя мо́щи,
благочести́вая игúмения Доримедóнта восхотé
вскры́ти мéсто подспúдное. Обáче егда́ лопáта
коснúся кра́ю гробóв ва́ших, преподóбныя, áбие
нападé тряса́вица си́льна и недúг мног на
копа́ющаго. Зря́щии же вся сия́ в стра́се
просла́виша Бóга, воспева́юще Емú: Аллилу́ия.

И́кос 7

Усе́рдныя подви́жницы Цéркве Рýсския
яв́илися естé, о преподóбныя Иулиание́ и
Евпракси́е: в трудéх бо неуста́нно подвизáстеся,
умерщвля́юще плоть свою́, се́рдца́ же

непреста́нно иму́ще горе́, при ногу́ Иису́сову
внима́юще словеси́ Его́ спаса́тельному. Та́кожде
благую́ часть избра́сте, я́же не оты́метя от вас
во ве́ки веко́в, те́мже вопи́ем вам:

Ра́дуйтеся, небе́сныя засту́пницы земли́
Моско́вския;

ра́дуйтеся, созерца́вшия Сла́ву
Боже́ственную.

Ра́дуйтеся, труды́ ра́ди Христа́ полага́вшия;
ра́дуйтеся, в ра́дость Го́спода вше́дшия.

Ра́дуйтеся, А́нгелов собесе́дницы;
ра́дуйтеся, святи́телю Алекси́ю сестры́
пресла́вныя.

Ра́дуйтеся, преподо́бных сора́дование;
ра́дуйтеся, всех святи́х украше́ние.

Ра́дуйтеся, преподо́бныя Иулиание́ и
Евпракси́е, благоче́стия наста́вницы
богомудрыя.

Конда́к 8

Стра́нным и убо́гим прибе́жище и покрóв
бысть оби́тель ва́ша, преподо́бныя; малоду́шным
я́ко ка́мень тверд ве́ра ва́ша непрекло́нная
явися́; уны́лым и смущенным се́рдцем я́ко свет
со́лнечный возсия́ наде́жда ва́ша несумне́нная;

любовию же предивною озаряете сердца поющих Богу: Аллилуия.

Икос 8

Православнии людие отечества нашего воспевают ныне песнь хвалебную Богу, благодаряще Его за милость неизреченную. Во знамение милости Своея дарова Господь обители Зачатиевстей образ Пречистыя Богородицы Милостивыя, показуя сим заступление ваше, преподобныя. Мы же, всякое житейское попечение отложивше и собравшеся под покров ваш незримый молитвенный, с любовию воспеваем вам сице:

Радуйтесь, усердныя за ны ко Господу ходатаицы;

радуйтесь, Обители райския наследницы;

Радуйтесь, умилением сердца наша наполняющия;

радуйтесь, исцеление от Бога просящим подающия.

Радуйтесь, красоты неувядаемыя крини сельнии;

радуйтесь, доброты неизреченныя сокровища.

Ра́дуйтеся, о́браз Ми́лостивыя Влады́чицы во
оби́тель прии́мшия;

ра́дуйтеся, Ея́же моли́твами ми́лости на нас
излива́ющия.

Ра́дуйтеся, преподо́бныя Иулиани́е и
Евпракси́е, благоче́стия наста́вницы
богомудрыя.

Конда́к 9

Вся́кая душа́ испо́лнися умиле́ния и
ра́дования, взира́ющи на ико́ну ва́шу,
преподо́бныя. Я́ко свеща́ горя́щи освещает клетъ
темни́чную, та́ко любви́ ва́ша озаря́ет хра́мины
душ, притека́ющих к вам с ве́рою, отбеже́ бо
вся́кая скорбь и теснота́ от благода́рно
воспева́ющих вку́пе с ва́ми: Аллилу́ия.

И́кос 9

Вети́и многоглаго́ливии не возмо́гут разумети́
вся по́двиги и труды́ усер́дныя ва́ша. Не сла́вы
бо ра́ди тле́нныя от челове́к сия́ подъя́сте, но во
иска́ние безсме́ртныя сла́вы Ве́чнаго Бо́га
совершенство́ныя. Сего́ ра́ди даде́ вам Оте́ц Сла́вы
Ду́ха Прему́дрости и Открове́ния в позна́ние
любве́ Его́ и ра́дости несконча́емья. Мы же,

таковому смотрѣнію Божію о вас дивящися,
вѣрно вопиѣм:

Радуйтеся, благ земных отвергшиися;
радуйтеся, единого Бога искавшия и
обретшия.

Радуйтеся, Царствія Божія наследницы;

радуйтеся, Ангелов дивныя собесѣдницы.

Радуйтеся, райскую радость стяжавшия;

радуйтеся, велию милость от Бога приѣмшия.

Радуйтеся, святых жен предивное украшеніе;

радуйтеся, преславное душ наших утешеніе.

Радуйтеся, преподобныя Иулианіе и
Евпраксиѣ, благочестія наставницы
богомудрыя.

Кондак 10

Спастися хотяще всем человеком, яко две
сладкогласныя трубы серебряныя созывали есте
дев труждающихся и обремененных под покров
святых обители Зачатиевския, и вся
притекающая обретоша покой о Христѣ Иисусѣ,
взѣмше иго Его благоѣ и бремя легкое,
воспевающе умиленную песнь: Аллилуія.

И́кос 10

Стена́ния и пла́ч мног приноси́вша о земли́ Ру́сстей, и ны́не моли́теся, преподо́бныя, о нас многогрѣшных и недостойных ча́дех ва́ших, да прости́т Госпо́дь вся прегрешѣния на́ша, и тако да изба́вимся от вся́кия ну́жды и печа́ли. Да сподо́бит нас Всеми́лостивый Влады́ка в ра́дости серде́чной воспева́ти вам сицева́я:

Ра́дуйтеся, свѣтлыя проповѣдницы
благонравия;

ра́дуйтеся, дивныя ко́рмчия в мо́ри
житей́stem.

Ра́дуйтеся, невесты́ чистыя Христа́ Иису́са
Сладча́йшаго;

ра́дуйтеся, Ма́тере Бо́жия ча́да возлю́бленная.

Ра́дуйтеся, ве́лие утешѣ́ние нам да́рующия;

ра́дуйтеся, свети́льницы сла́внии Любве́
Божѣ́ственныя.

Ра́дуйтеся, Свѣта́ и́стины храни́тельницы
ве́рныя;

ра́дуйтеся, в ти́хую при́стань ду́ши
приводя́щия.

Ра́дуйтеся, преподо́бныя Иулиани́е и
Евпракси́е, благоче́стия наста́вницы
богомудрыя.

Кондак 11

Пѣние благодарное приносят вам неплодныя жены, во обитель, вами устроенную, пришедшия и молитвами вашими неплодства разрешившия. Помозите и нам, преблаженныя Иулиание и Евпраксиие, избавитися от бесплодных дел тьмы, да принесем достойныя плоды покаяния и смирения, воспевающе Богу: Аллилуия.

Икос 11

Светопріемную сокровищницу сотвори Господь Церковь Русскую, вы бо, якоже иногда две лепте вдовица евангельская, все свое имение в руке Божии предасте. Темже Господь, приим вас, яко жертву живую многоценную, низпосла на вы благодать Духа Всесвятаго. Вы же, преподобныя, прострите щедроты своя на ны, из глубины души зовущия:

Радуйтеся, хранительницы веры истинныя;
радуйтеся, сокровища радости нетленныя.

Радуйтеся, злато смирения, в горниле очищенное;

радуйтеся, Светом Христовым тьму просвещающия.

Ра́дуйтеся, крило́ма моли́тв ва́ших ко Христу́
возно́сящияся;

ра́дуйтеся, му́дрости цвѣти благоуха́ющие.

Ра́дуйтеся, в сладкопѣнии Божѣственнем
пребыва́вшия;

ра́дуйтеся, сла́ву Бо́жию зрѣти
сподо́бльшияся.

Ра́дуйтеся, преподо́бныя Иулиание́ и
Евпракси́е, благоче́стия наста́вницы
богомудры́я.

Конда́к 12

Благода́ть стяжавше́ в душа́х ва́ших и
получивше́ от Бо́га пять тала́нт, се, други́х пять
обретёте́ ими́ и услы́шасте́ глас Госпо́день: в
ма́ле бы́ли естѣ́ вѣрны́, над мно́гими вы
поставля́ю. ны́не у́бо внидо́сте в ра́дость Го́спода
Бо́га свое́го, воспева́юще во оби́телех ра́йских
Ему́: Аллилу́ия.

И́кос 12

Пою́ще песнь побѣ́дную, просла́вляем
Вели́каго Бо́га, дивна́го во святы́х Свои́х. Нестъ́
бо рабъ, ни свобо́дь о Христѣ́ Иису́се, несть́ ни
му́жеский полъ, ни же́нский: оба́че вси суть
еди́ни о Го́споде на́шем. Вы же, я́ко вѣрны́я

а́гницы непоро́чныя пребыва́ете со А́нгелы на
Небесéх, ра́дующеся с ними́ ра́достью
неизрече́нною несконча́емою, сего́ ра́ди вопи́ем
вам:

Ра́дуйтеся, жити́е яв́ившия ангелоподо́бное;
ра́дуйтеся, душ на́ших предста́тельство
ве́рное.

Ра́дуйтеся, дщэ́ри возлю́бленныя Царя́
Небе́снаго;

ра́дуйтеся, Ма́тере Бо́жия други́ни сла́вныя.

Ра́дуйтеся, ра́дость нам принося́щая;

ра́дуйтеся, ду́ши любóвию окриля́ющая.

Ра́дуйтеся, утешéние серде́ц предив́ное;

ра́дуйтеся, ума́ просветлéние сла́вное.

Ра́дуйтеся, преподо́бныя Иулиани́е и
Евпракси́е, благоче́стия наста́вницы
богомудры́я.

Конда́к 13

О преподо́бныя Иулиани́е и Евпракси́е,
наста́вницы дев боголюб́ивых и всем
притека́ющим к вам утешéние пресла́вное!
Ны́нешнее ма́лое молéние на́ше при́ймше,
при́зрите ми́лостивно на нас, многогрéшных и
недостойных ча́д ва́ших. Умоли́те

Премилосердаго Господа, да избавит нас от враг видимых и невидимых и да сподобит нас наследники быти Обители вечныя, да выну зовём Ему благодарным сердцем: Аллилуия.

Сей кондак глаголется трижды.

И паки чтётся икос 1-й, и кондак 1-й.

Молитва

О преподобныя Иулиание и Евпраксии, подвижницы Христовы, инокинь московских наставницы и всех прибегающих к вам скорые помощницы! Вы от юности Бога возлюбивша, иноческаго жития возжелали есте и благословением митрополита Алексия, святаго брата вашего, обитель девичью устроили есте. В нейже, усердно потрудившаяся, молитвою, постом и бдением сердца очистили есте и образ благонравнаго жития показали есте.

Темже, яко имеющая дерзновение ко Всемилостивому Спасу, не оставите места сего святаго, и инокинь, чающих вашей помощи и заступления. Сохраните град Москву от всяких бед и напастей, междоусобныя брани и нашествия иноплемеников. Нам же, почитающим вас любовью, даруйте мир и

единомыслие, да, вашими молитвами
соблюдаеми и сохраняеми, исповедуем Святую
Троицу, Отца и Сына и Святаго Духа. Аминь.



**ПОЛНЬІЙ
АКАФИСТНИК
КАНОНИЧЕСКІЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

**НОВОЕ
НЕБО**